

四庫全書

史部

欽定四庫全書

浙江通志卷五十一

古蹟

十三

處州府

古州城 方輿勝覽在今州東南七里今呼為舊州

城括蒼彙紀唐中和間徙於今地

方輿紀要舊城在府東南七里

括蒼山麓亦曰括州城

麗水縣故城 方輿紀要在府西三十五里唐初置

縣於此今其地有古城岡縣頭山舊城塘之名

唐舊州治 洞天記小牯蒼山衆山環簇徑路盤紆

有九盤嶺唐宋州治在焉即今之西山也方輿紀要唐末

盧約竊據是州遷治於小牯山上楊億云郡齋迎  
在霄漢石磴盤屈是也至元中遷令所名勝志按  
州治在梁山之麓通志以為元幹勤好古所改與  
地志以為唐末郡人盧約竊據遂徙令地二說不  
同王象之紀勝云舊城在府州東南七里則今治  
已三徙矣續廳壁記云州治在小牯山上其路九  
盤宋崇寧三年楊嘉言為守削直之大觀元年高  
士廣復舊審如此說則城東南七里者隋唐治也  
小牯山者唐末盧約所遷以至宋元治也其在梁  
山斷自元至元二十七年起然攷東南七里牯蒼

山正在其處隋開皇以括名州乃為括蒼山耳非  
城中之小括山也隋唐史書括字從手宋熙寧間  
得古碣字從小云松身柏葉  
即攤木也以山多此木故名

唐郡學 括蒼彙紀初在釋山之巔宋康定初孫沔

乃徙今址

宋麗水縣舊治 孟淳重修縣治記縣治舊在芟山  
之左莫知創始宋紹興四年重建

元佛山寨 方輿紀要在龍泉南十里佛山上元末  
邑人胡深築內外二寨於此

唐黃龍山寨

方輿紀要在縉雲縣西黃龍山唐末

盧約據處州有施使君結寨山上以禦之寨門遺

址尚存

唐松陽縣舊治

括蒼彙紀初縣治建於旌義鄉之

舊市唐貞元間刺史張增改設今地

方輿紀要舊市在松陽縣

西二十里路出遂昌縣治故址也

唐平昌縣治

名勝志在遂昌縣東界西明山之次

前後兩山形如昌字因建縣遂名平昌

南園 名勝志郡城小枯山與萬象山相連勢甚高

敞唐時南園在其間園內有蓮城堂鶯花亭其東  
有翔峰閣西有少微閣米芾書額又西有回溪閣

照水堂亦米書其後有凝霜閣崇禎處州府志蓮

城堂郡守范成大建括蒼彙紀翔峯閣郡守孔元

忠建少微閣郡守關景暉建回溪閣舊名松聲閣

照水堂郡守李堯俞建凝霜閣楊億建

蘇舜欽照水堂記

蒼郡署冠前山之椒林壑蔽翳咸平初楊文公起  
凝霜閣下覽平曠得遙岑遠林之賞當時固已為

欽定四庫全書

卷五十一

佳處矣景祐中孫公元規移守此郡署政之始衆  
務畢舉乃厯訪雄勝之地以圖燕休又得西北隅  
絕巖之巔刻去叢穢豁見異境溪山之勢奔放空  
來始規地命名詒從他郡後更三守泯然不尋李  
君然明之來刷剔隱滯網條一新吏民曉然踰年  
甚便然後思有以自適且將留風迹以遺後人景  
與意并正獲元規之地遂構廣廈因以照水題之  
孝豁虛明坐視千里雖甚盛暑灑然如秋有長溪  
者源自閩來趨過檻下前對南明山盖三平之舊  
隱也蒼峰古剎陰晴隱見又於東南創月軒稍却  
為燕閣閣之右又為風亭亭前啓軒曰夕霏是皆  
輔於照水而發於新意也華棖棨插下上相煥易  
去蓊莽與政俱新盖基於元規成於然明予慨然  
東望神興坐馳恨不能劇飲酣歌俯仰周覽於其  
上或能圖以為貺尚可更發詠歌以足其未至者  
陸游南園詩安用移封向酒泉醉鄉只擬乞南園

更添小閣臨灘石一洗人間歌吹喧春來歸路閱  
三州是處踟躕懶出游一到南園便忘返亭邊綠  
浸琵琶洲陸游鶯花亭詩沙外春風柳十圍綠陰  
依舊着黃鸝故應留與行人恨不見秦郎半醉詩  
江濤和放翁題鶯花亭詩春雨溪頭長柳圍游仙  
枕上賦黃鸝誰知醉卧古藤下却是浮生夢裏詩  
葉適題處州翔峯閣詩九盤在川中萬山來四遠  
納於牀第近尋丈未為褊日光既熙麗風氣亦清  
展悠然不離席所得甚宏闊隱峯招伏岫勝躍俱  
赴眼下視田中禾莖粒猶可見臨觀要親切亦復  
貴眇緬峽山綠線窄嶽極瀛海眩君看齊雲上往  
往無際限何當躡蓬萊一汎五湖淺錢竿少微閣  
詩少微閣應少微星照照雲間分外明過雨晚來  
添練水好山晴後見蓮城許尹照水堂詩清溪自  
古流溪流不見底日照鱗甲生風行殺紋起我雖  
仙都游不吐仙都地但欲問滄浪中汎航一葦趙



靡兢霜閣詩修竹蕭蕭三兩竿公餘時得靜中看  
何須更避人間暑滿腹冰霜六月寒  
泰觀鶯花亭千秋歲詞柳邊沙外城郭輕寒退花影亂鶯聲碎  
飄零疎酒盞離別寬衣帶人不見碧雲暮合空相對  
對憶昔西池會鵲鷺同飛蓋攜手處今誰在日邊  
清夢斷鏡裏朱顏改春去也落紅萬點愁如海

椒園 括蒼彙紀麗水縣椒山里人葉桂築書屋於

山之深處隨地爲景皇甫汈詩云羨君辭邑賦歸

田信有椒園在輞川

王氏園 括蒼彙紀郡城富山東爲圓山有宋少師

王信花園

東谷園 括蒼彙紀 青田縣中天巖有東谷園池

仙都館 縉雲縣志在賜谷洞之西洋畝

五雲館 聞見錄五雲館去縉雲縣五十里本名縉

雲館

金蓮館 縉雲縣志在仙都元虞集書額

聚文館 松陽縣志在縣西明善書院朱文公嘗於

此講道咸淳間葉再遇建

長松館 括蒼彙紀在松陽縣治東今城隍廟為長

松館改建

荆室館 崇禎處州府志在龍泉縣東觀光門外

竹口館 括蒼彙紀在慶元縣

義莊 楊載義莊詩注在龍泉縣溪頭陳南峰創

演政堂 括蒼彙紀在府治元嘉興張伯淳為記今

名經濟堂

雲山堂 括蒼彙紀在府治後堂

劉基過雲山堂有感詩雲山堂畔垂

楊柳曾見新堂結構成一吏傳言奔里役幾家無意輟農耕花明粉黛春開宴月照樓臺夜按箏破

瓦斷砧今滿地綠  
荷春草為誰生

燕喜堂 志喜堂 喻良能舊州治記便廳太守治

事之所也由便廳而入柱廊謂之凝香至燕喜堂

幽邃靜深灑灑可愛由燕喜至志喜堂遂至月臺

好溪堂 喻良能舊州治記由凝霜閣下至好溪堂

軒楹開豁棟宇宏麗括蒼彙紀宋徐度建范成大

書

惠風堂 崇禎處州府志在州治後廳黃葆光建內

有烟雲洞

博古堂

名勝志在舊州治宋別駕石朝散建

張擴博古

堂詩古人嗜書書不足家貧無錢就市讀今人收  
書書填屋紅牙垂籤手未觸別駕平生師古人傳  
癖書淫九經麗廬全撐腸五千卷鄴侯插架三萬  
軸河東安世工補亡伏日郝隆更曬腹近者聞說  
新臺成芭蕉急雨作秋聲請君  
掃榻迎燈火莫歌長檠歌短檠

風月堂

崇禎處州府志在通判廳宋通判黃晔建

仰天堂

括蒼彙紀麗水縣天堂洞上有仰天堂

製錦堂

青田縣志在縣治宋慶元中令黃由已建

謝客堂 括蒼彙紀在青田縣石門書院元廉訪副

使王侯建

崇禎處州府志自謝靈運來游好事者景慕高致遂作堂繪像祠之

縉雲堂 晏公類要縉雲山有縉雲堂

隱真堂 縉雲縣志爲昔賢劉處靜作

樹萱堂 宋濂樹萱堂記樹萱堂者縉雲趙伯和奉其母之堂也

仙都草堂 鄭汝璧游仙都記仙都草堂即朱文公獨峰書院址也

信美堂 名勝志在松陽縣舍

黃鎮周信美堂詩干名本代耕作邑反憫

悵筍莖非蒲鞭徭役急丁悵輸粟無停時官軍待  
鋪餉平生仁愛心漸負罔知向愁來置簿領小圃  
聊放曠適當初夏時景物和且暢竹色晚更深鶯  
聲老逾亮新倚點方池落日銜青嶂茲堂信云美  
吾獨增浩唱安仁何  
當歸風卻正飛颺

甘露堂 括蒼彙紀在松陽縣東光華門外為迎春之所

蓮花漏堂 名勝志遂昌縣舊有蓮花漏堂起自宋知縣王琮

嘉瑞堂 崇禎處州府志在遂昌縣廳之西宋司馬  
掀因嘉蓮呈瑞乃建是堂

會一堂 括蒼彙紀遂昌縣西玉井峰有隱士尹廷  
高會一堂

籍桂堂 崇禎處州府志在龍泉縣治東宋治平中  
因邑中五人登科建

清節堂 龍泉縣志在縣西五都木岱元守帥舒穆魯  
宜孫建



雙蓮堂 括蒼彙紀宋紹興丁卯龍泉主簿韓元吉

廳前遍池開雙頭蓮花因建堂名雙蓮

三賢堂 龍泉縣志在玉峰寺宣和間邑人為邑令

沈希稷并攝丞陳沔進士葉植立

舫齋 名勝志在推官廳宋王孝嚴建

楊億與章廷評書郡齋

寂宛在深山獄訟甚稀賦輸易辦引領西月菴峰倚天清溪南奔淺深見底人家柳次多在嵐烟中

修竹喬林

宛如圖畫

苦齋 劉基苦齋記龍泉章濫先生所居之室也室

十有二楹在匡山之巔建溪之水出焉

馬城苦齋詩年苦年

來只自知苦中樂事最相宜青茶入饌甘如薺黃藥供茶味勝餽誰識長吟梁父日獨憐垂釣渭濱時少陵自是長憂國未必清癯只為詩

夕霏軒 喻良能舊州治記沿修廊至夕霏軒壁間

盡刻名賢法書括蒼彙紀郡守李堯俞建

擁青軒 青田縣志在縣治宋紹興初縣令楊鈞建

擷芳軒 競秀軒 崇禎處州府志並在仙都山

對吟軒 名勝志在遂昌縣治宋縣丞韓允寅建

雲谷軒 括蒼彙紀在雲和縣鳳凰山王恕康建

西亭 崇禎處州府志在舊治西楊億建

楊億西亭  
即事詩郡

齋退食復何為縱目西亭景物奇疊翠雨餘泉眼  
出澄潭風靜釣絲垂城臨古戍寒蕪濶路轉荒村  
野徑危幾處唱歌開白亭誰家沽酒見青旗蝶隨  
游騎穿花徑犬吠行人隔槿籬桃李成蹊春盡後  
魚鹽為市日中時桑麻萬頃時氛散絲竹千門夕  
照移吟降嶺雲飛冉冉望中隴麥秀離離烟迷喬  
木鶯遷蚤水滿芳塘鷺下遲車蓋  
翻然肯相顧主人終宴豈知疲

擬滁亭 喻良能舊州治記由照水堂而下至擬滁

亭前對溪山下臨絕壑南明諸峰相距無一里橫

陳洲渚漁舟賈槭出沒烟波中款乃之聲不絕於  
耳括蒼彙紀郡守蘇簡建

夕霏亭 明一統志在府治宋建吳說書扁

拂雲亭 崇禎處州府志在舊治少微閣下郡守錢  
竽建

點易亭 方輿勝覽在舊治南園括蒼彙紀通判司  
馬伋建

柳邊亭 名勝志在麗水縣稅務後秦少游建

蓮城一覽亭

括蒼彙紀在城中萬象山崇福寺東

披雲亭

崇禎處州府志在麗水縣望京門內

知津亭

括蒼彙紀在麗水縣濟川橋南宋郡守范

成大建

綠波亭

明一統志在府城濟川門外下臨南溪一

名如錦亭

括蒼彙紀後  
為清波亭

放生亭

括蒼彙紀郡城清香橋爲淨池即古放生

池宋紹興十五年郡守徐度建亭其上

思賢亭 崇禎處州府志在好溪唐郡守李敬仲築

室於此後人因建亭

王十朋思賢亭詩段公不到溪豈好李守已亡詩更奇我

向思賢亭上坐愛溪兼愛昔人詩

得月亭

括蒼彙紀在郡城通惠門淨池北岸

皇甫得

月亭詩清溪一何湛源深白雲曲望舒忽東升浮光漸西陸蕪址匪舊存芳亭煥新榮碎壁時復沈散金如可掬雖乏謝監惊聊寄庾公矚誰謂曠音塵古來共幽獨

溪雨亭 名勝志在麗水縣靈山宋紹興中郡守劉

涇創

千里亭 方輿紀要府南七里有南明山舊有千里亭以高曠得名

獻花巖亭 見王順游麗水縣南明山記

冷泉亭 白雲亭 明一統志麗水縣西白雲山山半有冷泉亭山麓有白雲亭

來鶴亭 留舄亭 括蒼彙紀在麗水縣紫虛觀東山巔

招鶴亭 青田縣志在縣治後堂之右

八角亭 名勝志在青田縣南宋陳汝錫建

蔣存仁八角亭

詩由來只說四簷亭今日先生八角成  
最喜瀟瀟春夜雨一簷分作兩簷聲

見一亭 名勝志在青田縣東百步宋鄭汝諧建亭  
後石壁其平如削高二丈許水從石裂中出清泠  
不竭後山有石榻可坐上篆刻宓義臺三字

石門亭 明一統志在青田縣西宋建王安石記

銀河萬古亭 括蒼彙紀青田縣石門山臨溪兩峯  
壁立高數百丈飛瀑千仞中斷濛濛作雨狀瀑次



有亭曰銀河萬古又有飛泉亭

噴雪亭 方輿勝覽青田縣石門洞有亭曰噴雪

懋霧亭 石門洞記洞前有懋霧亭

點易亭 青田縣志縣西三架礮下有丹井因葉法

善明易象乃建點易亭

駐碧亭 括蒼彙紀在青田縣登雲山下絕澗為橋

亭曰駐碧

問丹亭 青田縣志在縣三坊游丹山者皆懋於此

又名謝橋亭

吏隱亭

縉雲縣志在吏隱山上

醉月亭

縉雲縣志在赤巖前李陽冰建

松壑亭

縉雲縣志在縣西松阜之陽山水清勝元

黃潛呂伯良時游咏於此

共亭

崇禎處州府志在縉雲縣東五里永泰院宋

慶厯四年尉毛維詹建取松竹風月巖沼徑花之

屬為十題

雨松亭 縉雲縣志步虛山斗巖有二松大數十圍每  
日晴則雨點滴瀝陰晦則無舊有雨松亭

巽亭 名勝志縉雲縣毛翁巖下宋龍圖閣學士詹

適建蘇軾次韻詹適宣德小飲巽亭詩君方夢謫  
仙我亦弔文園江上同三黜天涯共一尊濤

雷殷白畫梅雪耿黃昏歸  
去多情雨應隨御史軒

阮郎亭 雲笈七籤在縉雲縣阮客洞

問漁亭 明一統志在縉雲縣賜谷洞前

駐鶴亭 照水亭 回瀾亭 並見仙都山志

種秫亭

名勝志在松陽縣舍

黃鎮周種秫亭詩有田不種杭往往遭婦

責女子竟何知吾心固不擇折腰來作吏一飽定易獲所愛乏齋釀供祭與餉客公田二畝餘種秫乃前策初當插秧青便擬浮甌白相將小槽頭溜溜聞夜滴古來有奇士愛酒輕百謫嗟余唯不嗜一酌寧復索名亭恐無實遠愧陶彭澤

東臯亭

名勝志在松陽縣望松嶺下

半山亭

括蒼彙紀松陽縣南巖

松陽縣志縣西南南巖山半有亭唐

會昌間建東有抱膝亭又名大觀亭今改為小吳亭可以眺遠

寒巖亭

見山亭

松陽縣志並在縣西上方山

棲鷺亭

松陽縣志在縣西南大明山

翠微亭

括蒼彙紀在遂昌縣黃山

廓然亭

括蒼彙紀在遂昌縣黃山邑令黃養蒙

建

嗣服亭

遂昌縣志在縣之石飛嶺

南觀亭

東望亭

疑雷亭

括蒼彙紀並在遂昌

縣磐溪

最高亭

名勝志在龍泉縣九姑山宋邑令范純孝建

周莊最高亭記治平初南昌范純孝為劍川令策杖得九姑山作亭遂為括蒼勝游絕冠厥後絃歌弗嗣亭廢不修垂三十年濟川姚公為縣又新之亭負鶴嶺陰崖薄雲青壁斗絕下控石馬重復百里勢決奔浪橫倚縣治西北隅驪首寥廓間若擎紫霧欲騰去而亭特峙其上宣和六年公治多暇坐日照堂隱几頻望蒼翠森如遂臨絕頂四顧而興歎命誅藤蔓裴徊舊址曰憑虛高峰冷然御風蓬壺游也乃飭能吏董其役未幾告成欄跳白日頂摩蒼穹皎皎飛出空際巖壁溢秀烟霞漲彩不動容色燦金碧丹雘於頽垣茨棘之間雲山千里松竹萬家景與目共豈能賦者足以詫美哉為是游者將抗懷遠覽飄飄凌雲必有搏扶搖九萬踵前人遐轍以遂最高之名因酌酒為壽靖康元年記何志修最高亭詩萬瓦翬飛見渺茫便疑亭在斗杓傍地高每與風雲會天近常依日月光縹緲

仙韶迎耳過續紛天雨散花香憑  
欄下瞰乘槎路一帶長虹跨洛陽

疊嶂亭 崇禎處州府志在龍泉縣集福院上

忘機亭 括蒼彙紀在龍泉縣金沙山上

烟雲萬頃亭 惟天在上亭 清高亭 環中亭

宋濂看松菴記龍泉匡山章君三益結廬其間  
菴之西南有深淵者三蛟龍潛於其中雲英英騰  
上君爲構烟雲萬頃亭菴之東北山益高峯巒益  
峭君復構惟天在上亭菴之東南林樾蒼潤空翠

沈沈君復構清高亭菴之正面諸峰皆競秀令人  
愛玩君復構環中亭君詩書之暇厯游四亭退坐  
菴廬亦一樂也

鞠亭 崇禎處州府志在慶元縣治內

松源形勝亭 崇禎處州府志在慶元縣今改為小  
蓬萊

冷水亭 掬水亭 慶元縣志並在八都

魏溪亭 蕉坑亭 慶元縣志並在縣北



覺是亭 括蒼彙紀雲和縣沙令橋南倚溪之側吳

浩建

清趣亭 括蒼彙紀在雲和縣鳳凰山上王志衡建

蘇伯衡清趣亭詩山林長往者巖壑最幽處探奇  
厯蒙密信步忘杖履漁樵席屢分妻子首恒聚村  
酒任意沽野蔌隨宜具清心但焚香道與聊覓句  
閒即把書讀困還隱几睡游魚泳深池好鳥鳴高  
樹物性一何適俯仰本同趣此事真足樂其人良  
可慕子永謝樊籠吾猶絆羈弔安得為近居朝暮  
共來去

瑞麟亭 蕭彥瑞麟亭記大學士徐階父丞宣平縣

公實產於此後人因建亭於縣東隅社學之前

觀瀾亭

括蒼彙紀在景寧縣拱辰門

洗心亭

括蒼彙紀景寧縣玉泉山有泉清瑩如玉

邑人胡岳建亭於下又題曰鶴溪洞天

烟雨樓

喻良能舊州治記由好溪堂層級三休至

烟雨樓凭欄四顧目與天遠方輿勝覽在州治范

至能書括蒼彙紀郡守楊嘉言建

錢茅烟雨樓詩人在神仙碧玉

壺樓高壯麗壁城隅風雲出沒有時有烟雨空濛無日無但得綠尊閒對酌何須紅袖醉相扶郭熙

去後丹青絕勝作新詩  
當畫圖趙廡烟雨樓詩畫  
棟飛雲暮靄寒樓臺城郭有無間  
烟收雨霽曾看  
否見盡東  
南萬疊山

見山樓 括蒼彙紀在通判廳通判董居誼建梯山

為基勢甚雄偉樓下植梅百本

樂繼宗見山樓詩  
憑欄一望三百里

頓豁兩眸如酒醒浮雲不動  
暮天潤秀色入戶羣山青

好溪樓 明一統志在府城東舊名濟遠宋郡守趙

善杠重建

賢星樓 括蒼彙紀在舊郡治東有處士星君祠

洞天樓 明一統志在府城南因括蒼洞天而名

香風樓 括蒼彙紀宋時有香風樓在麗水縣治西  
應星樓 括蒼彙紀在麗水縣大市東跨橋為之南  
挹山光下臨溪水盡登臨之勝

高明樓 龍泉縣志在縣西邑人俞德建元王剛升  
記

花樓 龍泉縣志在縣北雲水驛中

攬秀樓 龍泉縣志在縣治東南邑人張君實建

望京樓 括蒼彙紀在景寧縣拱辰門

眺閣 名勝志在推官宅宋建

雙清閣 崇禎處州府志在僉判廳舊名盡心閣

明一

統志郡守錢竚改今名  
有郡治十二咏龕於壁

文英閣 名勝志在麗水縣學山下舊執禮坊隱士

毛氏故居宋紹聖間秦觀監酒稅嘗與毛氏游此

閣 秦觀游文英閣詩醉頭春酒響潺潺壚下黃翁  
寢正安夢入平陽舊池館隔花螭口吐清寒

憑虛閣 名勝志在麗水縣南明山

清輝閣 縉雲縣志在縣西西巖上元達魯噶齊劉

哈達建

蟾峰閣 括蒼彙紀松陽縣獨山山形若蟾又名蟾  
峰有蟾峰閣

妙高閣 括蒼彙紀在松陽縣南巖

登瀛閣 舊浙江通志在遂昌縣學宋乾道中知縣

李大正建

雙峰閣 括蒼彙紀在遂昌縣學宋建

清華閣 名勝志在遂昌縣東西明山

徐昱清華閣詩晚來徐步

上危樓極目滌湖一色秋止水  
無痕青似靛月鉤如釣下滄洲

雙清閣 括蒼棠紀在遂昌縣東鄉

丹清閣 崇禎處州府志在龍泉縣治宋建

闕杞升清閣詩

畫棟飛簷屋數楹上臨山色下溪聲  
等閒欲作丹青閣未必丹青畫得成

留槎閣 方輿勝覽在龍泉縣南濟川橋上

名勝志留槎閣

三字蘇軾書陳舜俞留槎閣詩聞說槎洲似沃洲  
一溪分作兩溪流長橋跨岸虹垂地高閣凌空蜃  
吐樓浩蕩乾坤供醉眼淒涼風雨送行舟  
舟憑誰為問槎邊客未必無人犯斗牛

拜香臺 喻良能舊州治記月臺舊名拜香臺天王

峰居其前石僧峰出其側山之翠微近在杖履下

圭山臺 括蒼彙紀在郡城園山上

張敦仁登園山圭山臺詩序予

舊居北郭白雲里嘉靖歲庚申以倭警徙入城居是山之麓按郡志稱枯蒼十景其一所謂圓山清氣是也宋時為王氏園不知何時入官為觀風臺基邇年高郡守築臺其上予以草堂密邇闢小徑通之或厭塵喧則登此臺以舒眺望南則南明大梁巾山天馬隱約作列障狀北則壽元白雲麗陽似錦屏然其西則小枯山擇山如伏虎而踞東則好溪夾水諸山皆峯巒秀拔迥出天表自數百里西奔作龍踞勢枯蒼舊名蓮城謂諸山盤矗如蓮花城居其中而臺又居城之中故一登此臺諸山



水皆出几席下所謂  
城市山林者非耶

縉雲臺 劉澄山水記黃帝煉丹之所其址尚存

忘歸臺 名勝志在縉雲縣吏隱山唐李陽水為縉  
雲令任滿挈家隱於此築忘歸臺鑿巖篆吏隱山

三字

霏翠臺 縉雲縣志在吏隱山南麓

羣玉臺 縉雲縣志在仙都練溪

將臺 縉雲縣志在南田嶺都御史阮鶚建

明月臺 凌風臺 西望臺 松陽縣志並在縣西

上方山

凌霄臺 方輿紀要在松陽縣西西屏山上

名勝志  
米元章

書三字於  
石壁上

鸚鵡臺 括蒼彙紀在龍泉縣古來山名巖寺

雲臺 名勝志龍泉縣西山有石方丈古刻雲臺二字

釣臺 崇禎處州府志在景寧縣茅山之麓相傳浮

丘伯隱釣於此

神仙宅 括蒼彙紀在麗水縣東少微山舊祀少微

星君於此名神仙宅

李敬仲宅 名勝志麗水縣好溪唐貞元中郡守李

敬仲愛其林壑之勝築室為樓隱之地而居之官

滿舍為寺

李敬仲洞溪十詠潭翠標名直至今洞門寒浸碧沈沈一天星斗難藏拚萬古

魚龍識淺深波起勁風疎噴雪岸隈高樹密垂陰凝虛澄象無盈溢合是淡交君子心右翠潭昔人卜築向深蘿幽徑閒門客少過寒覺片雲生棟宇靜聞孤鶴下庭莎竹窻曉放茶烟膩火焙春收藥

氣多一榻無塵夜生白不妨歌枕擬高歌右青室  
壺中何必訪高竒遠澗穿雲入翠微曉艷深藏樵  
客徑露香濃滴釣人衣風回片片隨流水雨霽枝  
枝帶落暉更有閒游難到處花間誰見隱仙歸右  
桃源碧嶼琅玕盡占幽孤烟輕翠瞰中流風敲清  
簾向深夕雨洗疎陰出素秋新篴委苔霞片墮淡  
筠經雨粉痕收當初好翫人何在萬古蕭騷送客  
愁右竹嶼惡林磷鏗逸響清寒樓長見有雲生天  
回霜月淒涼處誰愛絲桐向此橫魚近翠根猶斂  
魄鶴翹孤影尚凝情不知亞尹千年後更有何人  
續正聲右琴石疊甃荒涼古釣磯長潭映帶占清  
虛只因攷世能輕祿未必投竿酷愛魚雨笠曉偃  
苔蘚合烟簑秋倚薜蘿疎若教呂望於今在不獨  
磻溪是勝居右釣磯疎窻虛棟駕崢嶸天氣銷回  
萬象清深蘚靜攤隨步武淺峰相亞入簷楹寥寥  
鐘鼓殘秋迥黯黯燈光永夕明此處誰知閒意度

白頭禪客自經行右虛廊漱淺浮深過幾年古今  
長見去潺湲秋陰瀉破天雲碎清響琢成溪石圓  
孤客維舟嫌聒夢高僧倚石任喧禪蘭亭逸少來  
茲地堪與流觴會列仙右響瀨壁立凌空目渺茫  
蛾眉曾見匪尋常洞門高出寒稜正水面橫鋪片  
影方野客手題文字澁嶽僧身靠衲衣涼雲磨雪  
洗花顏色不羨梁元古畫張右峭壁卓異曾分造  
化勞神仙占得稱游遨濃嵐畫鎖巉巖黑碧落秋  
晴突兀高雲母徑深穿頂滑翠岷稜健把根牢  
白雲南面長流水間見穆藤下渴猿石倚石巖

湯思退宅 幹勤好古遷州治記今州治乃宋丞相

湯思退故第也

鄭汝諧宅 青田縣志宋鄭待制汝諧宅在縣東門

外百步

陳葵宅 青田縣志宋陳葵宅在十三都石蓋

劉基宅 洞天記青田縣南田山古稱七十二福地

南田居其一誠意伯劉基世居此山

沈晦宅 名勝志松陽縣上方山宋狀元沈晦建炎

間守處遂家於此有見山亭冷風臺梅花堆垂雲

巖諸勝

沈晦上方居詩天畔羣山一草亭半溪烟雨花冥冥老翁投老得此景日與溪山同

醉醒此生真與世相忘投老生涯寄上方洗足闌門枕書睡連山松檜雨琅琅

劉仲昇宅

練魯隱居記仲昇劉君有故園池隱於

北山之下

松陽人

周綰宅

名勝志遂昌縣君子山有蓮花峰宋待制

周綰居之號蓮花居士

葉可權宅

括蒼彙紀在遂昌縣桃源

周與昂宅

括蒼彙紀隱居桃源五峰之下

鄭元祐宅

括蒼彙紀在遂昌縣航頭元祐著遂昌

雜祿

管師復宅 龍泉縣志縣東甸川其地襟山帶水宋

時先賢管師復師仁家世族處於此

何執中宅 龍泉縣志縣南天馬山宋清源郡王何

執中舊宅在焉

季鏞宅 龍泉縣志縣西蔣溪宋侍郎季鏞居此

真德秀宅 括蒼彙紀龍泉縣西山宋真德秀生於

斯因號西山示不忘本

章溢宅 龍泉縣志在縣七都



劉知新宅 慶元縣志宋大觀狀元劉知新宅在五

都番塢門前衢址猶存

胡紘宅 慶元縣志宋胡侍郎紘宅在雙股嶺下

陳嘉猷宅 慶元縣志宋禮部尚書陳嘉猷宅在九

都舊有神童坊在竹口

盧敖宅 景寧縣志縣北盧棲溪相傳唐盧敖居其

中

浙東道院 喻良能舊州治記由好溪至浙東道院

簾影無塵草色映階闐然蕭然不知其為公宇也

抱節菴

括蒼彙紀在舊治惠風堂環植巨竹故名

轉物菴

括蒼彙紀在舊治拂雲軒後

軒轅丘

明一統志在青田之石門洞

仙壇 明一統志在青田縣西北七十里峰若蓮花

相傳有仙人煉丹於此遺址尚存

芳墅 名勝志青田縣黃巖山下有芳墅宋高宗選

妃洪氏賜第有磚街十里開池皆種荷花

黃帝宮 晏公類要在縉雲縣東二十三里

縉雲宮 晏公類要在縉雲縣東九十里

小桃源 李常小桃源記縉雲縣北二里一小澗出

兩山間潺潺不絕澗之濱夾岸植桃春月花開彷彿

小桃源因名

土鼓壇 明一統志在遂昌縣大溪中上有雙峰塔

龍泉精舍 舊浙江通志在龍泉縣孟浩然有詩

古龍壇 龍泉縣志在縣治南三思橋東荷池中嘉

定戊辰龍見於此

馬跡壇 崇禎處州府志在宣平縣山阮五里唐天師葉法善騎馬過此因名

雙桂門 崇禎處州府志在宣平縣北宋時鄭睿鄭通叔姪同登淳熙丙午第故名

千載木 太平寰宇記麗水縣石羊山蘭巖溪有大樹仰觀杳然博物志云千載木也

天王像 方輿勝覽天王山在州西北城壁繞其上

有唐時天王像

松陽樹 名勝志松陽縣東南臨大溪有松陽樹大

八十一圍腹中空可坐二十人秦時物也

古樟 龍泉縣志邑西飛鳳山有大樟樹百圍傳自

石晉天福二年監將季公魯所樹

古松 龍泉縣志在萬壽宮相傳榭衣真人上昇處

石耒軸 龍泉縣志在一都萬松林五代時有神人

吳三以山多石嘗劈巨石作耒軸欲磕而平之耒

成夜驅神物駕耒直前隔山居民聞呵叱聲秉燭視  
之遂散今石耒橫於山原



浙江通志卷五十一

欽定四庫全書

史部  
浙江通志卷五十二

詳校官給事中臣戴璐

檢討臣德生覆勘

總校官編修臣倉聖脉

校對官典簿臣劉景岳

謄錄監生臣龔輝遠



欽定四庫全書

浙江通志卷五十二

水利

河渠有書溝洫有志悲心水利者往往多詳言之  
兩浙固稱澤國而山縣亦多高仰之鄉

聖天子軫念民生時飭有司講求利弊捍江濬湖築隄  
建牐蓋惟蓄洩有備而後旱潦均可無虞實萬世  
之利也志水利

通省水道

謹按兩浙之水漸江界於中大海環於東南諸水或徑入海或由江以達於海其發源有數派江以西為武林派漢地理志云武林山武林水所出南為九溪西為十八澗豬為西湖周三十里亦稱錢塘湖唐刺史白居易宋守蘇軾倡議開濬至今民食其利湖水北流合外沙河東過永昌壩合菜市門河西至會安壩合艮山門河轉德勝橋武林門內大河自吳山水驛過清湖上中下三閘與之會分為二一為上塘河東北逕舊東倉過臨平山為臨平湖西為石鼓湖北至長安壩一為下塘河過北新橋分為二西北流者入德清界北流者為運河歷謝村塘棲穿石門城左受語兒楓樹十八涇右受柿林羔羊十三涇之水逕石門塘東折彎環如帶曰玉灣也入桐鄉界南受車口陸墅北受車

溪爛溪龍翔灣諸水東流逕阜林入秀水境逾白  
龍潭東流豬為鴛鴦湖一名南湖其東南為漚湖  
一名馬腸湖長水海鹽二塘水之所匯也長水塘  
自長安壩東流為二十五里塘河過海寧縣又東  
流入袁花塘妙果山之尾合姚塘茶湖麻涇彭墩  
泮江塘諸水入洛塘河北經紫微山贊山間為峽  
石河東經練浦海鹽塘亦合海寧諸水北經橫塘  
俱匯於漚湖東流經雙溪橋又東出會龍橋分二  
支一由漢塘至平湖一由魏塘至嘉善其由漚湖  
入登海門由漕河入通越門者出望吳春波二門  
俱東趨會龍橋又一支繞城北流過西麗北麗為  
相家湖又東北為麟溪亦入嘉善境其由漢塘東  
流者合胥江陶涇諸水匯為當湖海鹽鷗鷺上谷  
黃道諸湖之水合流而北過柳莊獨山乍浦諸塘  
之水入之東北流由三泖入黃浦自魏塘東流者  
一為華亭塘東為張涇匯為風涇之白牛塘合祥

欽定四庫全書

卷五十二

符蕩葉蕩之水會章練塘東入柳一為東爪湖塘  
北流入夏墓蕩又北入汾湖又北入澱山湖東至  
黃浦入海有天目派天目山上二池若左右目左  
屬臨安為東溪右屬於潛為西溪西溪水出尖頂  
逕細荊口有箕潭形如仰箕瀑布下注為蛟龍池  
池分上中下下流與東溪合南逕白鶴溪合雙清  
溪匯為三潭與虞溪合經於潛城西岸峒山臨其  
側名為錦江南流為浮溪經窰車橋蒨溪合百丈  
嶺水橫塘水竹林水入之經地風山浪溪與柳源  
水合而為交溪經昔口昔溪出黃嶺入之東南過  
烟口苦竹水入之又東南與昌化紫溪合水中磐  
石長百餘丈望之如朝霞倒影在水名曰赤瀨東  
南流有二溜昌化者小溜於潛者大溜也經武勇  
山桑乾水入之至分水境西南流合印渚溪繞天  
祿山下歷二十四灘西南流逕桐廬為桐溪自天  
目而下一支出廣苔山為苔溪由臨安東流經餘

杭合仇溪溪二源一出高陵山一出獨松嶺亦名  
雙溪合徑山港經錢塘東北流過安溪奉口又經  
德清齊眉山下為洋溪東流為餘不溪其上流為  
龜溪水清澈亦名清溪東北過敢山漾又北過菱  
湖又北過楊灣大溪過阜安橋與武康前溪合源  
出銅峴山上流為阮公溪東北為後溪又東為新  
溪宋令蔡霖疏去砂磧因名蔡公溪合北流水即  
餘不之支分也會於沙溪北過峴山漾一名碧浪  
湖北入湖州安定門其出自獨松嶺者一支過邵  
渡為龍溪經荻浦與仙溪合又合孝豐浮玉山水  
吳興志在峴山漾為小浮玉此為大浮玉也董嶺  
水東流者入寧國境西流者與南嶼水會於梅溪  
繞安吉城東南邱閣池北來之水合梅溪西來之  
水經長興為荆溪其西白峴蒼雲諸水流為楊店  
梓方二澗匯為合溪東流為晷畫溪折而南經呂  
山塘四安溪合石澗廣德諸水東流入之其南餘

甌溪北流入之會於霅溪又名江子滙北流至含  
山塘入太湖晷畫之下流為霅溪南曰上箬北曰  
下箬北連顧渚溪經明月峽北流為紫花澗出水  
口鎮注包洋湖過夾浦入太湖虞翻川瀆記云太  
湖東通松江南通霅溪西通荆溪北通太湖東通  
韭溪以其通五水故亦名五湖也江子滙之水分  
一支出迎春門為運河又東流為官塘河經昇山  
塘合烏鎮水由潯溪通吳江入新城塘過石臼漾  
合穆溪水入嘉興之漕河此浙西水道之源委也  
江以東有金川派金溪二源在開化一出馬金嶺  
一出百濟嶺經嵩陽源合而西流繞城經鐘山下  
東南流聲口溪入之龍山溪二源十二曲流至華  
埠入之始容小舟經常山北與私溪石磴溪合謂  
之三合水可勝三百斛舟下流與文溪合文溪四  
源流經江山禮賢鎮滙為一合鹿頭梁口二溪經  
西安溪為西溪折而北經鷄鳴山下定陽溪出遂

昌周公源東北流與之合亦名東溪東流為盈川  
經龍游為澱溪溪南岸姑蔑故墟也靈山港出遂  
昌合赤真水東流入之金村源水出壽昌南流入  
之築溪出松陽大方山合馬報水北流入之過翠  
花巖下為國石潭此衢港也抵金華有雙溪派一  
為東港一為南港東港出東陽大盆山東北流東  
白山水入之安定溪西流入之迤西橫溪水入之  
折而南荆浦溪入之合為東陽江西流抵義烏鮎  
魚水出南山西流入之龍門山澗水西流入之華  
溪出雲橫山吳溪出杏溪合丹溪峴溪流至黃蒲  
潭入之五雲溪合梅溪至成家渡入之匯於畫塢  
山下為畫溪東陽江之別名也經金華城南石碕  
巖下潛溪出南山三斷水合梅花溪入之赤松澗  
水出金華山合徐公湖南流入之與南港合南港  
出縉雲黃碧山流經永康花溪出密浦山東南流  
入之仙溪出馬嶺北谷南流合義烏蘇溪水入之

欽定四庫全書

卷五十二

北溪出石佛山南流入之合南溪為永康溪湯溪之秀芝小龍白砂諸溪水北流入之合大小銅川南流經武義八素溪出入素山南流入之妃水溪北流入之姬水溪西流入之遂昌之熟溪合大妃嶺苦竹溪三斷山白姥溪東南流入之經金華城下與東港合故曰雙溪西流出五百灘言水迅駛挽舟須五百人此婺港也婺港西流衢港東北流匯於蘭溪蘭陰山下水紋如穀亦曰穀水三源水上曰鮑源中曰盛源下曰繆源南流入之驥溪出玉壺山八石溪出雞窠巖龍門水出烏蜀山俱南流入之社溪芝溪二水合為甘溪至湖步入之洞溪出洞巖山西流入之下流為香溪東北流與浦陽江合江水出深梟山合巖坑山水貝山步橋水由菟浦入之私水出天目伏流一百六十里乃見如流水然東流入之經觀山下龜川水入之蛇浦水曲流入之槁溪出白石山東流入之白麟溪出水



金芙蓉山西流入之義烏酥溪出清潭山深溪出  
龍祈山合於了口而北流入之與富陽江合有新  
安派新安江源出歙縣一名青溪經淳安南雲溪  
合梓桐水東流入之清平水合軒駐溪南流入之  
遂安武強溪合靈巖溪東北流入之壽昌過浴山  
出三泉一為周溪入艾溪一為協儒溪入淤竭溪  
一為五里溪入湖神溪合流至翠口又合竹溪交  
溪諸水入大同溪東北流入之經建德東聖水出  
烏龍山巔流為三灣九曲水秀泉出秀山流為西  
溪過杜橋入之馬目溪合大小洋溪又合桐溪北  
流入之杜息溪出雲岫山東流入之為胥口江一  
名建德江此歙港也三港之水合流而下為富春  
江經嚴陵山七里瀨新城水由青山潭南流會葛  
溪三源合流至南新鎮受分水之禾溪水東南流  
達派溪口受湘溪水經縣南為罷江繞百丈山東  
流至深浦入於江下流經蕭山西為浙江一名錢

塘江江中有羅刹石又名羅刹江江岸有定山海潮至山下即回亦名定山江有東白派山跨三邑在嵎曰北白在東陽曰西白在浦陽曰東白其水出山之陰流入諸暨界分為二一為上東江合孝義開化二溪西北流會下瀨溪為洪浦江一為上西江亦名豐江東北流合黃沙溪至了港口合東江流為浣江經諸暨南分為下東下西二江東江受烏石溪高公湖沁湖諸水西江受五洩溪青山溪紫草溪諸水合於三港口經山陰之西江柯水出柯山北流入之餘支溪二源一溫一涼為鏡湖別派鏡湖古南湖也周三百五十八里受山會三十六源之水流為運河與西江合東北流出斗門達三江閘入海西北流經蕭山西潘水入之西流至臨浦出西興渡入錢塘江由龕褚兩山出鼈子門入於海此浙西浙東之水合流於江以入海者也其水出東白山之陽者流入嵎縣南為剡溪其

滙流有三一自東陽封山合太白山青陽崗五龍山諸派北流入之一自天台石橋出為東溪經新昌東南合石筍溪柘溪下長潭過彩烟山上碧溪東流入之一自奉化四明山有梨洲泉其流九曲為剡源溪至新昌為黃澤溪繞三十六渡北流滙於杜潭出浦口入之所謂萬壑爭流也溪紆迴五十餘里越嵒嶠二山峽間東折而北入曹娥江亦名浦陽江又名上虞江有姚江派江源出太平山一稱蕙江亦名舜江西流與上虞江合菁江合長冷河東北流入之五夫河受夏蓋上妃白馬諸湖之水東流入之夏蓋湖在夏蓋山下周一百里北枕大海南為白馬湖周四十五里西為上妃湖周三十五里納三十六澗之水為上虞巨浸江水又經會稽東南為小舜江一名東小江若邪溪經鑄浦山下北流入之東為沈釀川北為簞膠河又北為了溪越絕書云禹鑿了溪人方宅土也北流過

憑海所至三江口入海有甬江派即鄞江也南接奉化江一名北渡江台州寧海之白渚溪出白嵩山東北流入之柏溪出鎮亭山南溪出鯉湖山北溪出日嶺西錦溪出華頂山雙溪出杉木鮐磧二嶺金溪出金嶺山棠溪出白杜黃柑二嶺俱分流由縣溪入之西接慈谿江江源出太平山至丈亭渡分為二小支貫邑中大支由車廐浦抵城北合於鄞江它山大雷山諸水東流入之又東為管山江過桃花渡經鎮海南為大浹江支流為小浹江受西北諸湖之水東流為黃崎江巾子候濤二山對峙為屏障北流出虎蹲蛟門入大海此浙東水道之源委也至溫州一府之水不與浙江通而自入於海其大者有三曰永寧江曰安陽江曰橫陽江永寧江在府城北門外水源有二派一出瑞安芳山鄉為瞿溪東北流經岷岡山與雄溪合經賜輿與郭溪合匯為會昌湖唐會昌中郡守韋庸所

浚分為南湖西湖中有韋公隄西過慈湖竹塌一出仙居山中為枹溪南流合城北六鄉之水流為橫樟羅藤蓬珍小李八溪至潮滌合為永寧江一名登江亦名甌江城西登川七曲合新河百里坊河東北流入之沿江有三洲十二浦樂清之象浦其一也東接館頭江合東溪西溪同入於海安陽江有二派一自福建政和縣溫洋南流至百丈口泰順之仙居溪東流出焦灣至洪溪口合葛溪水入之又會羅陽大洪莒江水為大溪一自處州青田水堯嶺至陀溪合三坑水轉至陶山南口為小溪二溪合流至瑞安縣南為安陽江舊名安固江吳時名羅陽江唐後名飛雲渡永豐湖水出安仁鄉東北流入之東湖北湖及城內水與城北帆游諸鄉之水入之北湖一名錦湖又東仙巖河水入之東流入海橫陽江在平陽縣西二十五里舊名始陽江南則親仁招順金舟西鄉諸水入焉北則

歸仁崇政宰清鳳林東鄉諸水入焉梅溪出蓋竹  
山東流入之孫湖納烏石諸山鄉之水入之燥溪  
自宋蘭洋分流入之東入於海處州十縣如遂昌  
松陽縉雲之水間有流入浙江者前文已晰言之  
餘水俱從溫州入甌海其大川南自龍泉之查田  
東北過縣南留槎閣又東下二百里會雲和之淳  
雲溪水又五十里至堰頭會松遂二縣水又五十  
里過麗水之鏡潭至三港口會宣平之黃村水又  
三里至蘇埠會西溪水為大溪又名洄溪南過郡  
城三里與東溪合東溪即今好溪其東北自縉雲  
大盤山西南九十里過縣東會蒼嶺水下略九盤  
山至東渡又西五十里經府東突星瀨過靈山為  
好溪又十里西南流與洞溪合東出佛頭嶺過石  
帆山會大羣水又南八十里會景寧之小溪水過  
青田經高江至溫州永嘉縣入海若溫之泰順雖  
屬山縣而白溪之水繞城南流經鎮南橋過文筆

峰下抵福建壽寧界入海又一支為泗溪南流至東溪渡合焦溪水入石龍潭南下龍溪抵福建福安界入海而處之慶元地入閩界槎溪芸洲溪棘蘭溪新窰溪諸水俱出縣北流入於閩與他縣之水歸宿差別此溫處二府水道之源委也夫水性潤下資灌溉長禾稼通舟楫固萬世之利也時或霖霖暴漲決田疇漂廬舍亦未免為民害故善治水者不惟享其利兼宜防其害貴順其性而使之流亦貴遏其勢而使之止要而論之瀕江海者利在隄塘陡門瀕湖者利在疏濬規濬山澗溪壑之水利在堰埭陂閘前代所已舉者修復之昔賢所未創者增益之先時而謀臨事而慎俾蓄洩有方旱潦無恐皆為民牧所當悉心殫力者也至各府屬縣雖形勢不同而舊蹟具在詳載於後以備

參考

欽定四庫全書



浙江通志  
卷五十二

杭州府

錢塘仁和  
二縣附郭

城內河 大河舊為鹽橋運河小河舊為市河西河

舊為清湖河東運河舊為菜市河

東運河舊在城外元至正十六

年築城圈入城內

通鑑長編宋元豐三年杭州奉詔賜米

開運河淺澱宋史河渠志運河在城中者日受潮

水沙泥渾濁一汎一淤比屋之民委棄草壤因循

填塞元祐四年知杭州蘇軾濬茆山鹽橋二河分

受江潮及西湖水造堰牐以時啟閉民甚便之

蘇軾



請開河狀  
熙寧中通判杭州詢問民間疾苦父老皆云苦運河淤塞遠則五年近則三年率常一開濬不獨勞役兵民而運河自州前至北郭穿闌閘中蓋十四五里每將興工市肆洶動公私騷然自胥吏壅塞兵奴等皆能恐喝人戶或云當於某處置土某處過泥水則居者皆有失業之憂既得重賂又轉而之他及工役既畢則房廊邸舍作踐狼籍園圃隙地例成丘阜積雨蕩濯復入河中居民患厭未易悉數若三五年失開則公私壅滯以尺寸水行數百斛舟人牛力盡跬步千里雖監司使命有數日不能出郭者其餘艱阻固不待言問其所以頻開屢塞之由皆曰龍山浙江兩閘日納潮水沙泥渾濁一汎一淤積日稍久便及四五尺其勢當然不足怪也父老又言錢氏有國時郡城之東有小堰門既云小堰則客有大者昔人以大小二堰隔截江水不放入城則城中諸河專用西

湖水水既清澈無憂淤塞而餘杭門外地名半道紅昔亦有堰名為清湖意亦愛惜湖水不令走下自天禧中故相王欽若知杭州始壞此堰以快目下舟楫往來今七十餘年矣以意度之必自此後湖水不足於用而取足於江潮又況今者西湖日就堙塞昔之水面半為葑田霖潦之際無所蓄流溢害田而旱乾之月湖自減涸不能復及運河謹按唐長慶中刺史白居易濬治西湖作石函記其畧曰自錢塘至鹽官界應溉夾湖田者皆放湖水入河自河入田若隄防如法蓄泄及時則可溉瀕河田千頃由此觀之西湖之水尚能自運河入田以溉千頃則運河足用可知也軾於是時雖知此利害而講求其方未得要便今者蒙恩出典此州自去年七月到任首見運河乾淺賈客出入艱苦萬狀穀米薪芻亦緣此暴貴尋剗刷捍江兵士及諸色廂軍得一千人自十月興工至今年四月

終開滄茆山鹽橋二河各十餘里皆有水八尺已  
上現今公私舟船通利父老皆言自三十年以來  
開河未有若此深快者也然潮水日至淤填如舊  
則三五年間前功復棄軾方講問其策而臨濮縣  
主簿監在城商稅蘇堅建議曰江湖灌注城中諸  
河歲月已久若遽用錢氏故事以堰闌却之令自  
城外轉過不惟事體稍大而西湖葑合積水不多  
雖引入城未可全恃宜參酌古今且用中策今城  
中運河有二其一曰茆山河南抵龍山浙江闌口  
而北出天宗門其一曰鹽橋河南至州前碧波亭  
下東合茆山河而北出餘杭門餘杭天宗二門東  
西相望不及三百步二河合於門外以北抵長河  
堰下今宜於鈴轄司前創置一閘每遇潮上則暫  
閉此閘令龍山浙江湖水經從茆山河出天宗門  
候一兩時辰潮平水清然後開閘則鹽橋一河過  
闌閘中者永無潮水淤塞開淘騷擾之患而茆山

河縱復淤填乃在人戶稀少村落相半之中雖不免開淘而泥土有可堆積不為人患潮水自茆山河行十餘里至梅家橋下始與鹽橋河相通潮已行遠泥沙澄墜雖入鹽橋河亦不於填茆山河既日受潮水無緣涸竭而鹽橋河底低茆山河底四尺則鹽橋河亦無涸竭之理然猶當過慮以備乏水今西湖水貫城以入於清湖河者大小凡五道一暗門外斗門一所一湧金門外水閘一所一集賢亭前水窺一所一集賢亭後閘一所一菩提寺前斗門一所皆自清湖河而下以北出餘杭門不復與城中運河相灌輸此最可惜宜於湧金門內小河中置一小堰使暗門湧金門二道所引湖水皆入法慧寺東溝中南行九十一丈則鑿為新溝二十六丈以東達於承天寺東之溝又南行九十丈復鑿為新溝一百有七丈以東入於貓兒橋河口自貓兒橋河口入新水門以入於鹽橋河則咫尺

尺之近矣此河下流則江潮清水之所入上流則  
西湖活水之所注永無乏絕之憂矣而湖水所過  
皆闌閘曲折之間宜作石櫃貯水使民得汲用  
濯且以備火災其利甚博此所謂參酌古今而用  
中策也軾尋以堅之言使通直郎知仁和縣事黃  
僎相度可否及率僚吏躬親驗視一一皆如堅言可  
成無疑也謹以四月二十日興工開導及作堰閘  
不過數月可以成就今有合行起請事件謹具畫  
一如左 一今來所創置鈐轄司前一閘雖每遇  
潮上閉得一兩時辰而公私舟船欲出入閘者自  
須先期出入必不肯端坐以待閉閘兼更有茆山  
一河自可通行以此實無阻滯之患而能隔截江  
潮徑自茆山河出天宗門至鹽橋一河永無壅塞  
開洶騷擾之患為利不小恐來者不知本末以阻  
滯為言輕有變改積以歲月舊患復作今來起請  
新置鈐轄司前一閘遇潮上閉訖方得開龍山浙

江關候潮平水清方得開鈴轄司前關一鹽橋  
運河岸上有治平四年提刑元積中所立石刻為  
人戶屋舍侵佔牽路已行除拆外具載濶狹丈尺  
今方二十餘年而兩岸人戶復侵佔牽路蓋屋數  
千間却於屋外別作牽路以致河道口就淺窄準  
法據理並合拆除本州方行相度而人戶相率經  
州乞據逐人家後丈尺各作木岸以護河隄仍據  
所侵佔地量出賃錢官為椿管準備修補木岸乞  
免拆除屋舍本州已依狀施行去訖今來起請應  
佔牽路人戶所出賃錢並送通判廳收管準備修  
補河岸不得別將支  
用如違並科違制

咸淳臨安志紹興三年十一

月宰臣奏開修運河淺涇帝曰可發旁郡廂軍壯  
城捍江之兵至廩給之費則不吝宰臣朱勝非等

曰開河餽餉艱難時方盛寒役者良苦恐議者以  
為言帝曰禹盡力溝洫浮言何恤焉八年又命守

臣張澄發廂軍壯城兵千人開濬運河堙塞

張澄請開

河奏臨安古都會引江為河支流於城之內外交  
錯而相通舟楫往來為利甚博歲久堙塞民頗病  
之頃由陞對嘗冒天聽乞因農隙略加濬治議者  
恐其勞民也至於今未克行之今駐蹕之地公私  
所載資於舟船者百倍前日所計特最關利害者  
兩河爾非盡開城內之河也臣再行講究更不調  
夫興工乞簡兩浙諸州壯卒及廂兵共千人赴本  
府量緊慢開濬以工程計之半年之外河流無壅  
矣

滯

宋史高宗本紀紹興十六年濬運河宋史河渠志

隆興二年守臣吳芾言城裏運河已先措置北梅家橋仁和倉斜橋三所作壩取西湖六處水口通流灌入府河積水至望仙橋以南至都亭驛一帶河道地勢自昔高峻今欲先於望仙橋城外保安牕兩頭作壩却於竹車門河南開掘水道車戽運水引入保安門通流入城遂自望仙橋以南開至都亭驛橋通徹積水以備緩急計用工四萬從之乾道三年六月知荆南王炎言臨安居民繁夥河



港堙塞雖屬開導緣裁減工費不能訖工臣嘗措  
置開河錢十萬緡乞候農暇特詔有司用此專充  
開河支費庶幾河道復通公私為利上俞其請四  
年守臣周淙出公帑錢招集游民開濬城內外河  
疏通於塞咸淳臨安志乾道中大浚治城內外河  
凡六千二百五十丈又置巡河舖屋三十所撿河  
船三十隻宋史河渠志淳熙二年兩浙漕臣趙磻  
老言欲於通江橋置板牕遇城中河水淺涸啟板

納潮繼卽下板固護水勢不得通舟若河水不乏  
卽收牐板聽舟楫往還為便七年守臣吳淵言萬  
松嶺兩旁古渠多被權勢及公吏之家侵佔又內  
砦前石橋都亭驛橋南北河道居民多拋糞土瓦  
礫以致填塞流水不通今欲分委兩通判監督逐  
時點檢勿令侵佔并拋揚糞土從之咸淳臨安志  
清湖河疏引西湖水隄圯水涸咸淳六年朝命安  
撫潛說友開修一自斷河至清湖橋凡四千二百

一十尺一自觀橋西至楊四姑橋凡二千三百三十五尺浚拓築補槌木甃石斷河地連吳山每大雨流潦挾草壤雜至乃即其處穿海子口深三丈餘置鐵牕櫺以釃之使浮穢不入於海置澄水閘以限之使惡流不入於河續有旨宗陽宮前沿河修築凡二百七十七丈復命和寧門外河之上流開淘為積水計自登平橋至六部橋凡四十丈置水閘闢水門清湖橋而下安撫趙與植接續浚築

至衆安橋元史喀喇托克托本傳至大四年二月拜  
浙江行省左丞相下車進父老問民利病咸謂杭  
州故有便河通於江潯堙廢已久若疏鑿以通舟  
楫物價必平托克托曰民以為便行之可也不一月

而成

蘇天爵浚治杭州河渠記至正六年十月江  
浙行中書省始命浚治杭州郡城河渠明年

二月卒事於是河流環合舟航經行商旅由遠而  
至食貨之價不翔湧雜髦莫不皆喜公私咸以為  
利矣又明年冬天爵承命參預省政幕府與林請  
紀其事杭州為東南一大都會山川之盛跨吳越  
閩浙之遠土貢之富兼荆廣川蜀之饒郡西為湖  
昔人醴渠引水入城聯絡巷陌凡民之居前通闕

閘後達河渠舟帆之往來有無之貿易皆以河為利或時填淤居者行者胥以為病歲在乙酉天子念東南貢賦之煩勞閔民生之彫弊詔命國王丞相江浙省事又命翰林學士承旨達實特穆爾為平章政事曾未數月百度修舉乃詢民之利病衆以河渠不治為言丞相各於官僚而允合謀於憲府而僉同平章公總其事於上檢校官李益杭州路總管趙連董其役於下又以掾曹十餘人分治其工南起龍山北至猪圈壩延袤三十餘里郡中郭外支流二十餘里共深三尺廣仍其舊悉導湖水注之為役四萬二千五百工用鈔八萬五千貫復慮上出塗泥值雨入河命諸寺載而積之江浒又新木閘者四石梁者一其經營謀畫皆出平章公心計指授鈔則鹽漕備風濤所儲工則僦諸傭保公治事少暇親行河上以撫慰之以故人忘其勞事克以集嘗聞治水者當行其所無事則績用

有成而鹵莽滅裂之徒或者力欲僥倖覲一時之功未有不為民患者也況夫杭州浚治河渠之事宰輔謀猷之賢任人嚴謹作事周密誠足以為後世法故備述之俾來者尚勿廢前人之功永為一方之利也歟

明實錄成化十一年浙江布政使甯良按察司副使楊瑄僉議錢塘門左湧金門右其間有九渠之一宜因其舊蹟疏浚為河構石為橋以通湖水外置一閘以時啟閉以禦橫流庶水利可復鎮守浙江太監李義上其議其事得行民頗利焉

杭州府志成化十二年湧金門北創開水門導西湖水自柳洲寺後入城由曲阜橋達城河門深四

丈五尺高九尺置鐵牕樁障隔內外門內外各為橋上並濶一丈下濶視水門而高則減二尺外橋下又為板閘以防暴溢萬厯杭州府志嘉靖元年久晴無雨

河渠枯涸有司行勘郡城內外開通河道

國朝康熙二十三年錢塘裘炳泓具呈請開城河

裘炳泓請

開城河畧杭城全藉西湖之水達城內之河上通江干下通湖市昔唐宋諸賢濬西湖開六井築江塘作閘壩通接一城水脈百世而下尚嘉賴之今者城內河道日就淤塞殆三百餘年矣其弊在去湧金門外之閘而增新河閘閘板蓋諸商因水淺運艱是以受水處反去其閘洩水處反加其板以致省城之中遇旱則干穢不堪逢雨雪則街道成河使窮民感蒸淫成疫痢若河道開通萬民樂

欽定四庫全書

卷五十二

業利賴  
無窮矣

二十四年巡撫趙士麟力行開濬委嘉興

府同知孫明忠開濬正陽門外河道杭州府通判  
宋德深自清湖閘開至鹽橋河自武林閘破倉橋  
開至大河口自梅家橋開至過東橋紹興府通判  
王玠自迴龍橋開至中宮橋嚴州府通判王嘉相  
自候潮水門開至過軍橋自武林水門開至破倉  
橋湖州府通判祝鍾澤自教場橋開至杜子橋寧  
紹分司范景賢自正陽門外開至鐵佛寺橋溫台



分司張令甲自湧金門外開至清波門外安吉州  
州同王世勲自梅東高橋開至鹽橋自破倉橋開  
至貢院東橋河道濶狹并各橋堍悉照舊址開濬  
深濶兩岸河塢甃築堅完每橋建立石碑一座嚴  
禁居民淘夫傾潑汙泥自起工至迄工僅六月合  
省紳衿商民為建留清亭於孤山敬一書院之旁

立碑紀事

邵遠平濬河記越為東南鉅省而會城當水陸衝是惟百貨之所廣集號稱繁

盛乃者物力凋耗民俗詁窳融風數起說者謂城河開塞實使之然蓋城枕吳山之麓舊引西湖水

注為清渠濬洄縱橫經絡闌閘舟楫灌溉之利於是焉在唐李泌白居易宋蘇軾守茲土皆加意疏導功德於民民迄今肖像孤山祀之沿元逮明寢廢不治成化後屢議開濬輒格不果行久之故道盡失塞為街衢占為廬舍斷溝腐水曾不容刀濁垢煩蒸無所宣洩譬之人身血脉膠戾心腹癥結而欲求不病無是理也

國朝以來名公卿良有司究心水利者往往而有而役大費繁相顧澀縮歲甲子都御史河陽趙公奉命來撫浙既下車數延見吏民詢疾苦杭之人以濬河告博謀寮屬及薦紳耆老衆志僉同顧規畫方畧言人人殊公內斷於心獨秉成算謂費雖鉅勿遽勸輸捐橐金二千檄紹府別駕王玘俶工於迴龍橋因民之便乘時之隙厚其傭給貧民趨役者如鶩甫旬日著有成效自是公私樂輸貲用大集公乃畫界程工簡屬之廉能者分董之復時時巾車

小艇往來河干或竟日周行泥淖中勞不坐乘暑  
不張蓋如是者凡六閱月其已塞而全疏者起清  
波門三橋址歷迴龍衆安橋以南循中官橋又西  
北循梅家橋凡十二里以丈計者一千四百四十  
有奇其流淺而加濬者起湧金水門歷洗馬橋烈  
帝廟北循武林門南抵正陽門又南抵南新關凡  
二十五里以丈計者三千一百有奇費白金以兩  
計者凡二萬有餘役以工計者凡二十餘萬始於  
康熙甲子十一月二十三日訖工乙丑六月十五  
日於是梗塞既去清流徐來而又引繩以正其址  
甃石以固其岸設官艇受糞除以棄其惡立碑石  
禁填淤以著其罰頓使三百年久堙之美利一旦  
盡復而吾杭人如鯁得吐如痺得仁欣然有樂生  
之漸相與忭舞言不可以無紀爰相與勒石於孤  
山之陽垂公澤於久遠且欲後有所考俾蒞茲土  
者相繼勿壞以為吾杭民永利其辭曰杭為奧區

欽定四庫全書

卷五十二

襟江帶湖生齒百萬填城以居如何交渠勿鑿勿疏血液勿滲滌衛乃枯豈無仁人興言工作經費不貲中議而却

帝命趙公撫綏南土粥斯續斯澤以膏雨乃協食謀美利斯舉畚鍤如雲子來恐後人無飢勞役不淹久黎庶謳吟烝徒忭舞昔也甕瓶十里待水今也洋洋溉汲樞底昔也負擔重繭不休今也方舟徜徉中流濁滓弗潔疾病侵尋今潔而甘土高水深勺水不儲祝融屢煽今貫清泉有備無患公之經綸來者是視唐宋三賢得公而四河水淪連吐濁留清有穹者碑有巖音亭公名並峙永千億齡

四十四年織造孫文成議

關湧金水門引水入城自溜水橋開河廣五尺深八尺至三橋折而南又轉東至府前以備

聖駕南巡

御舟出入焉四十六年十一月二十九日

上諭工部朕宵旰勤民視如赤子無一時一事不思為  
閭閻圖經久之計江南浙江生齒殷繁地不加增而  
仰食者日衆其風土陰晴燥溼及種植所宜迥與西  
北有異朕屢經巡省察之甚悉大抵民恃田畝為生  
田資灌溉為急雖東南名稱水鄉而水溢易泄旱暵  
難支夏秋之間經旬不雨則土坼而苗傷矣濱河低

田猶可戽水濟用高仰之地力無所施往往三農坐困朕茲為民生再三圖畫非修治水利建立閘座使蓄水以灌輸田疇無以為農事緩急之備江南省蘇州松江常州鎮江浙江省杭州嘉興湖州各府州縣或近太湖或通潮汐宜於所有河渠水口度田建閘隨時啟閉水有餘則宣洩之水不足則蓄蓄以備用其有支河港蕩淤淺者宜並加疏濬使引水四達仍行建閘多蓄一二尺之水即田高一二尺者資以灌

溉矣多蓄四五尺之水即田高四五尺者資以灌溉  
矣行之永久可俾高下田畝無憂旱潦此於運道無  
涉而於民生實大有裨益今漕運總督與浙江督撫  
方料理截漕散賑爾部速移文該督撫等令將各州  
縣河渠應建閘蓄水之處並應建若干座通行確察  
明晰具奏爾部即遵諭行特諭欽此福建總督梁鼎  
浙江巡撫王然會同察勘杭嘉湖三府河渠水口  
應疏濬建閘之處繪圖具題工部以應如所題覆

奏奉

旨依議隨委溫處道高其佩開濬杭嘉湖三府河道並  
建小閘六十四座用帑銀三萬三百三十八兩又  
分委杭州府知府張恕可開濬城內豐樂橋起至  
下扇五畝永興圩止一百丈五十七年巡撫朱軾  
委錢塘縣知縣魏嶠領工部銀二百五十七兩零  
開濬斷河頭至淳祐橋教化街口一帶河道四百  
七十七丈雍正二年



詔興水利以杭之西湖為民生利賴宜加疏濬

勅督撫查勘會議總督覺羅滿保巡撫黃叔琳確勘會  
題為請開水利以贍民生等事該臣等會看得杭  
城地當省會負郭之縣仁和在東北錢塘在西南  
自仁和而迤東則為海寧三縣田畝數萬頃賴城  
外上下兩塘河水灌溉而兩河水源皆自西湖流  
注者也水由湧金門入城紆迴環曲而出於錢塘  
武林艮山諸門其水出艮山門者入上塘河由臨

平而達於海寧出錢塘門者由三閘而至松木塲  
桃花港與武林之水共注響水閘凡湖墅支河與  
古蕩西溪沿山十八里之田皆資其利有餘之水  
歸入下塘河而仁和北鄉以及錢塘之下八鄉實  
沾蔭焉此西湖水源出入之大槩也明季以來沙  
土多淤聽佃於民西湖之源不能充裕三縣之田  
旱不兼旬即憂枯槁由來舊矣我

皇上宵旰憂勤凡利益生民之事無一不厯

聖懷况開濬水利所關甚大 臣等奉

命查勘謹按西湖舊志三十餘里有民人占為田蕩  
妨害水道阻遏水源納於官者每年僅銀三十餘  
兩米二十餘石即田埂種植桑柏蕩內栽荷蓄魚  
利於民者每年亦止花息銀四百九十三兩零其  
為官民利益甚微而所損於民田者實不止於鉅  
萬仰請

皇上豁除糧額照舊志清出歸湖去其梗塞開通水源

以貽萬世無窮之利其現存湖址二十二里有奇  
通計裏外湖面一萬一千三百一十五畝零淤淺  
硬沙葑灘共三千一百二十二畝應將淺涸者挑  
深淤塞者開濬芟除葑草以復故址而暢湖流則  
西湖之水無憂涸竭而三縣民田乾潦有備矣至  
於城內之河共有數道一為中河一為東河一為  
小河而小河又有中西北之分前人設筭鑿溝引  
西湖之水自湧金水門及流福溝入城北出武林

水門南出正陽水門東南出候潮水門復由正陽  
候潮門外合流而趨永昌壩以供南樵之抽分通  
北樵之商貨再進而入清泰水門以通東路之糧  
食場竈之鹽船其曲折出入凡三十里然後由桃  
花港響水閘會流於上下兩塘河以灌溉田畝是  
城河正所以通西湖之血脈利益商民者無限倘  
城河淤塞則湖水無由出入今當相其淺處酌量  
開濬庶水利漸可興復以祈仰副

皇上勤恤民隱之至意謹合辭具題工部以應如所題  
覆奏奉

旨依議隨委府縣公估開濬工費西湖及支湖汊港計  
銀三萬三千六百餘兩城河計銀四千三百三十  
餘兩營河計銀三千四百六十餘兩桃花港烏麻  
陡門等處計銀一千三百一十餘兩共計銀四萬  
二千七百四十餘兩部議動支藩庫鹽驛道王鈞  
以世受

君恩願捐資助濬撫臣代為題請既奉

俞旨擇日開濬東河自斷河頭起至艮山門外止計長  
八里中斷河頭至淳祐橋計三里河身極狹共開  
四百六十六丈一尺中河自鳳山水門起至武林  
水門計長一十里內有淤淺沙灘共開一千六百  
二十八丈二尺中小河自新宮橋起至迴龍橋計六  
里清波門吊橋起至府學前運司河止通江橋起  
至保安橋止淤淺處共開一千九百一十六丈九

尺湧金水門內起至營河內水洞門至井亭橋北  
轉至八字橋小西河一帶共開二千六百餘丈同  
時兼濬西湖越兩載而工竣四年巡撫臣李衛具  
題浙省地屬水鄉通省河道俱資灌溉民田一應  
蓄泄疏濬必需專員統轄董理庶收實效查鹽驛  
道於通省水路驛站船隻皆其經理請將浙屬水  
利責成該道統轄凡有應疏應濬之處俱令確勘  
及時修濬實於民生有益并請於換頒傳



勅內加入兼理水利字樣以專責成奉

旨依議五年二月巡撫臣李衛欽奉

上諭

恭紀  
首卷

開濬河道隨於五月內檄委寧紹分司徐有

緯疏濬城河自織造府西轅門起至三橋關帝廟

止一百二十丈并濬城外河道九年總督臣李衛

委同知鄂善等動給鹽務節省銀二千兩開濬城

內營河以便各縣南糧達於滿城倉廩

謹按杭城四河之水皆仰賴於西湖宋人言西湖地勢高於城二尺許元祐間蘇軾導湖水入城大

小凡五道今惟湧金水門與湧金陸門暗溝兩處  
猶存餘皆不可考矣錢塘志云湖水入城有湧金  
水門湧金陸門及清波門流福溝三處而湧金水  
門為大今流福溝亦塞明成化間闢湧金水門即  
蘇軾所開之故道也考之奏云湧金門外水閘一  
所即今湧金門外之溜水閘也一城之水全藉此  
閘而舊志俱失載湖水入城俱會於大河輾轉遞  
注出武林水門由清湖閘而注之上下河一受一  
泄晝夜不息百萬生齒俱賴以生城河與西湖實  
脣齒之相依也湖水一日不至則城內諸河立涸  
矣然杭城之河與他郡異他郡之水皆平流水力  
所至泥亦隨刷而杭城之河自南流者有龍山諸  
閘阻之自東流者有永昌會安諸壩阻之自北流  
者有清湖閘阻之凡居民瓦礫所棄糞壤所積河  
道易淤故杭城之開  
濬較他郡為尤亟云

城內井 相國井在甘泉坊側西井在安國羅漢寺

前

按杭城六井及沈公井俱通西湖為利甚溥今相國井及西井尚存餘皆湮廢

宋史河

渠志杭近海患水泉鹹苦唐刺史李泌始導西湖作六井民以足用唐書白居易傳居易遷為杭州刺史復浚李泌六井民賴以汲咸淳臨安志宋嘉祐中沈邁為守日金牛井廢乃作南井熙寧中陳

襄重濬治且遷方井

蘇軾錢塘六井記潮水避錢塘而東擊西陵所從來遠矣

沮洳斥鹵化為桑麻之區而久乃為城邑聚落凡今州之平陸皆江之故地其水苦惡惟負山鑿井

乃得甘泉而所及不廣唐宰相李公長源始作六井引西湖水以足民用其後刺史白公樂天治湖浚井刻石湖上至於今賴之始長源六井其最大者在古清湖為相國井其西為西井少西而北為金牛池又北而西附城為方井為白龜池又北而東至錢塘縣治之南為小方井而金牛之廢久矣嘉祐中太守沈公文通又於六井之南絕河而東至美俗坊為南井出湧金門並湖而北有水牖三注以石溝貫城而東者南井與相國方井之所從出也若西井則相國之派別者也而白龜池小方井皆為匿溝湖底無所用牖此六井之大略也熙寧五年秋太守陳公述古始至問民之所病皆曰六井不治民不給於水南井溝庫而井高水行地中率常不應公曰嘻甚矣吾在此可使民求水而不得乎乃命僧仲文子珪辨其事仲文子珪又引其徒如正思坦以自助凡出力以佐官者二十餘

人於是發溝易甃補緝罅漏而相國之水大至坎  
滿溢流南注於河千艘更載瞬息百斛以方井為  
近於濁惡而遷之少西不能五步而得其故基父  
老驚曰此古方井也民李甲遷之於此六十年矣  
疏湧金池為上中下使潄衣洗馬不及於上池而  
列二牖於門外其一赴三池而決之河其一納之  
石檻比竹為五管以出之並河而東絕三橋以入  
於石溝注於南井水之所從來高則南井常厭水  
矣凡為子牖四皆垣牆扁鐫以護之明年春六井  
畢修而歲適大旱自江淮至浙右井皆竭民至以  
罌缶貯水相餉如酒醴而錢塘之肩足所任舟楫  
所及南出龍山北至長河鹽官海上皆以飲牛馬  
給沐浴方是時汲者皆誦佛以祝公余以為水者  
人之所甚亟而旱至於井竭非歲之所常有也以  
其不常有而忽其所甚亟此天下之通患也豈獨  
水哉故詳其語以告後之人使雖至於久遠廢壞

而猶有考也

宋史河渠志元祐四年知杭州蘇軾既濬

茆山鹽橋二河復以餘力全六井民獲其利咸淳

臨安志乾道四年安撫周淙重修諸井淳祐七年

安撫趙與憲奏請自湧金門至錢塘門一帶正係

六井水口舊為府第占據填塞今已支錢買回先

就此處用工更於荷蕩界至之外用石砌結疏石

作隄立為界限澄瀘湖水舟船不得入滓穢不得

侵使井口常潔咸享甘泉之利從之

夢梁錄西湖水涸城內諸

井亦竭趙與憲給官錢米命工自錢塘尉解北望湖亭下鑿渠引天目山水自餘杭河經張家渡河口達於溜水橋陡門作數壩用車運水經西湖庶得流通城中諸市咸淳六年安撫

潛說友乃更作石甬袤二千七百尺深廣倍舊外捍內錮益堅鎮然後水大至每五十尺穴而封之以備洶浣且於水所從分之處浚海子口以澄其源井之上覆以巨石為四穴以便民汲南為溝以達於金文橋之河俾船水以售者取焉撤亭而新之旁為神祠置守者使無敢汙慢又別為溝疏惡

水行於路之北所以為井慮者備矣

謹按唐宋間盛稱六井之利由江興城近民患斤鹵故也後江勢漸遠城中新開甘井日多不專藉六井故自元迄明言水利者特重開湖濬河而不及治井事

錢塘縣

城外河道

西湖 在府城西舊名錢唐湖唐書白居易傳居易為杭州刺史始築隄捍錢唐湖鍾洩其水溉田千

頃

白居易錢唐湖石記錢唐湖一名上湖周迴三十里北有石函南有竄凡放水溉田每減一寸

可溉十五餘頃每一復時可溉五十餘頃大抵此州春多雨夏秋多旱若隄防如法蓄洩及時即瀕



湖千餘頃田無凶年矣自錢塘至鹽官界應溉夾官河田須放湖水入河從河入田準鹽鐵使舊法又須先量河水淺深待溉田畢却還原水尺寸往往旱甚則湖水不充今年修築湖隄高加數尺水亦隨加即不啻足矣脫或不足則更決臨平湖添注官河又有餘矣俗云決放湖水不利錢塘縣官多假他詞以惑刺史或云魚龍無所託或云茭菱失其利且魚龍與生民之命孰急茭菱與稻粱之利孰多斷可知矣又云放湖水則郭內六井無水利亦妄也且湖底高井管低湖中又有泉數十眼湖耗則泉湧雖竭湖水而泉用有餘況前後放湖終不至竭而云六井無水謬矣其郭中六井李泌相公典郡日所作甚利於人與湖相通中有陰竇往往堙塞亦宜數察而通理之則雖大旱而井水常足湖中有無稅田約數十頃湖淺則田出湖深則田沒田戶多與所由計會盜洩湖水以利私田其

石函南窺并諸小窺閘非灌田時並須封閉築塞數令巡檢小有漏洩罪責所由即無盜洩之弊矣又若霖雨三日以上往往隄決須所由巡守預為之防其窺之南舊有閘岸若水暴漲即於閘岸洩之又減兼於石函南窺洩之防隄潰也予在郡三年仍歲逢旱湖之利害盡見其由恐來者莫知故書於石欲讀者易曉故不文其言

宋史河渠志錢氏有國始置撩

湖兵千人專一開濬咸淳臨安志宋大中祥符初

郡守王濟增置斗門天禧四年郡守王欽若奏為

放生池慶厯初守臣鄭戩發屬縣丁數萬闢規占

之地仁宗降詔獎諭

宋史鄭戩本傳戩以資政學士知杭州錢塘湖溉民田數

千頃錢氏置撩清軍以疏淤填水患既納國後不復治葑土堙塞為豪族僧坊所占冒湖水益狹戩發屬縣丁夫數萬闢之民賴其利事聞詔本郡歲治如戩法

宋史河渠志元祐

中知杭州蘇軾奏開湖因積葑草為隄相去數里

橫跨南北兩山夾道植柳林希榜曰蘇公隄

蘇軾乞開杭州西湖

狀杭州之有西湖如人之有眉目蓋不可廢也唐長慶中白居易為刺史方是時湖溉田千餘頃及錢氏有國置撩湖兵士千人日夜開濬自國初以來稍廢不治水涸草生漸成葑田熙寧中臣通判本州湖之葑合者蓋十二三耳而今者十六七年之間遂塞其半父老皆言十年以來水淺葑橫如雲翳空條忽便滿更二十年無西湖矣使杭州無西湖如人去其眉目豈復為人乎臣愚竊謂西湖

有不可廢者五天禧中故相王欽若始奏西湖為放生池禁捕魚鳥為人主祈福自是以來每歲四月八日郡人數萬會於湖上所活羽毛鱗介以百萬數皆西北鶻稽首仰祝千萬歲壽若一旦堙塞使蛟龍魚鼈同為涸轍之鮒臣子坐觀亦何心哉此西湖之不可廢者一也杭之為州本江海故地水泉鹹苦居民零落自唐李泌始引湖水作六井然後民足於水井邑日富百萬生聚待此而後食今湖狹水淺六井漸壞若二十年之後盡為葑田則舉城之人復飲鹹苦勢必耗散此西湖之不可廢者二也白居易作西湖石函記云放水溉田瀕河千頃可無凶歲今雖不及千頃而下河數十里間菱菰穀米所獲不資此西湖之不可廢者三也西湖深闊則運河可以取足於湖水若湖水不足則必取足於江湖湖之所過泥沙渾濁一石五斗不出三歲輒調兵夫十餘萬工開濬此西湖之不

可廢者四也天下官酒之盛未有如杭州者也歲課二十餘萬緡水泉之用仰給於湖若湖漸淺狹水不應溝則當勞人遠取山泉歲不下二十萬工此西湖之不可廢者五也臣以侍從出膺寵寄目覩西湖有必廢之漸五不可之憂豈得苟安歲月不任其責輒已差官打量湖上葑田計二十五萬餘丈度用夫二十餘萬工近者伏蒙陛下以本路饑饉特寬轉運司上供額斛五十餘萬石出糶常平米亦數十萬石又特賜本路度牒三百而杭當得百道臣謹以聖意增價召人中未減價出賣以濟饑民而增減耗折之餘尚得錢米約共一萬餘貫石臣輒以此錢米募民開湖度可得十萬工自今四月二十八日興工農民父老縱觀太息以為陛下既捐利與民活此一方而又以其餘興久廢無窮之利使數千人得食其力以度此凶歲蓋有泣下者臣伏見民情如此而錢米有限所募未廣

葑合之地尚存大半若來者不嗣則前功復棄深可痛惜若更得度牒百道則一舉募民除去淨盡不復遺患矣伏望陛下少賜詳覽察臣所論西湖五不可廢之狀利害較然特出聖斷別賜臣度牒五十道仍勅轉運提刑司於前來所賜諸州度牒二百道內契勘賑濟支用不盡者更撥五十道價錢與臣通成一百道使臣得盡力畢工半年之間目見西湖復唐之舊環三十里際山為岸則農民父老與羽毛鱗介同泳聖澤無有窮已臣不勝大願謹錄奏聞伏候勅旨

西湖游覽志

紹興九年以張澄奏請命臨安府招置廂軍兵士二百人委錢塘縣尉兼領其事專一濬湖若包占種田沃以糞土重寘於法十九年守臣湯鵬舉奏

請重開咸淳臨安志紹興中招置開撩及修砌六井陰竇水口增置斗門閘板量度水務通放入井宋史河渠志乾道五年守臣周淙言西湖水面惟務深闊不容填隘并引入城內諸井一城汲用尤宜涓潔舊招軍士止有三十餘人今宜增置撩湖軍兵以百人為額專一開撩或有種植茭菱因而包佔增疊隄岸坐以違制從之夢梁錄淳祐丁未大旱水盡涸詔郡守趙與憲開濬仍奉朝命自六

井至錢塘門上船亭西林橋北山第一橋蘇隄三  
塔南新路長橋柳洲寺前凡菱荷芡蕩一切薙去  
之湖水如舊成化杭州府志元時不事濬湖沿邊  
泥淤之處沒為芡田荷蕩屬於豪民湖西一帶葑  
草蔓合侵塞湖面如野陂然萬厯杭州府志明景  
泰七年六月鎮守浙江兵部尚書孫原貞築修西

湖二閘

孫原貞請修西湖二閘奏杭州西湖舊有二閘蓄洩水利近者閘圯湖淤積有葑灘

往往勢豪之人占據水塞不通居民不便而一應  
魚課累年漁戶賠納臣近閱志內載蘇軾周濬趙



與憲開濬凡菱河茭蕩悉薙去之杭民獲利通歲  
豪勢之徒日逐堆疊塍圍包占種植菱藕蓄養鮮  
魚時遇旱乾湖已先涸旁田既無灌溉之利而運  
河亦遂淤淺公私舟船往來不通近與鎮守太監  
阮隨詢之父老合詞陳情仍舊置閘蓄洩水利革  
民圈占使湖得深廣周通六井支流運河旁溉田  
畝且無漁戶賠課之擾已令有司勘復所占池蕩  
並令償官而築修二閘勢不可緩嘗與隨勸賑濟  
之餘尚存米穀可備木石之費及時僦工俾令修  
築乞勅有司於農隙之時量工開濬禁止豪右不  
許侵占湖利則一郡  
軍民永遠便利矣

西湖游覽志成化十年郡守

胡濬稍闢外湖明實錄成化十一年秋七月工部

覆奏浚杭州西湖許之

李旻濬西湖說成化間巡  
視都御史劉敷按察使楊

瑄用杭人通政胡瑄之言會同都布二司臨湖查勘凡宣德正統等年圖築報稅者一切鋤而去之稅糧百三十餘石派萬厯杭州府志弘治十二年隄西有產之家代納

御史吳一貫修築石堰

李旻西湖復石堰記武林諸山之水滙為西湖西北

際山東至錢塘湧金兩門之城下瀕湖數千百家為稼為圃為池以蓄魚皆湖是資窮民用釣弋網罟之類衣食於湖者不可勝計餘波所及為六井為清湖河達於運河城外並湖之田千頃賴以灌溉湖所利濟如此白樂天通石函蘇子瞻築石堰所以鍾其源而節其流用意深矣石函之流細故曰減水一寸可溉田十五頃每一復時可及五十頃此蓄洩之節度而溉田之方矣若石堰則所堰暴漲不使驟溢以為瀕湖之害無餘則蓄而流之

且以待石函之洩函與堰不可偏廢也後之人不  
深維其意壞堰而易之以板由是守者得以為姦  
漲溢乃靳而不啟旱則啟而竭之或因而取貨焉  
為湖之病數十年於茲矣弘治丁巳監察御史吳  
君一貫巡按浙江以興利除害為己任欲復其舊  
適安福胡君道以進士來知錢塘縣事遂以委之  
胡君詢之鄉老相與求之故迹地勢測水平定其  
高卑之準鳩工琢石不日告成瀕河上下之人一  
旦獲享舊日之利而除其害莫不歡欣鼓舞嘆頌  
功德堰成請書其事於石以示久遠予郡人也樂  
為斯民道之是為記

嘉靖浙江通志正德三年郡守楊孟瑛

力排羣議言於御史車梁僉事高江部議報可乃  
於是年六月興工為銀二萬三千六百七兩斤毀

田蕩三千四百八十一畝除豁額糧九百三十餘石以廢寺及新墾田糧補之自是西湖始復唐宋

之舊

楊孟瑛開湖議杭州地脈發自天目羣山飛

融結故堪輿之書有云勢來形止是為全氣形止氣蓄化生萬物又云外氣橫形內氣止生故杭州為人物之都會財賦之奧區而前賢建立城郭南跨吳山北兜武林左帶長江右臨湖曲所以全形勢而周脈絡鍾靈毓秀於其中若西湖占塞則形勝破損生殖不繁杭城東北二隅皆鑿壕塹南倚山嶺獨城西一隅瀕湖為勢殆天塹也是以湧金門不設月城實係外險若西湖占塞則膝術綿連容姦資寇折衝禦侮之便何藉焉唐宋以來城中之水皆藉湖水充之今甘井甚多固不全仰六井

南井也然實湖水為之本源陰相輸灌若西湖占  
塞水脈不通則一城將復鹵飲矣況前賢興利以  
便民而臣等不能纂已成之業非為政之體也五  
代以前江湖直入運河無復遮捍錢氏有國乃置  
龍山浙江二閘啟閉以時故泥水不入宋初傾廢  
遂淤塞頻年挑濬蘇軾重修堰閘阻截江湖不放  
入城而城中諸河專用湖水為一郡官民之利若  
西湖占塞則運河枯澀所謂南柴北米官商往來  
上下阻滯而關閘貿易苦於擔負之勞生計亦窘  
矣杭州西南山多田少穀米蔬粟之需全賴東北  
其上塘瀕河田地自仁和至海寧何止千頃皆藉  
湖水以救亢旱若西湖占塞則上塘之民緩急無  
所仰賴矣此五者西湖有無利害明甚但壞舊有  
之業以傷民心怨讟將起而臣等不敢顧忌者以  
所利於民也

明實錄嘉靖十八年七月浙江巡按御

史傳鳳翔請禁包占西湖遏絕水利萬厯杭州府

志嘉靖四十五年九月巡按浙江御史龐尚鵬禁

占塞西湖錢塘縣志天啟時縣令沈匡濟創為清

理之議

沈匡濟清湖八議西湖為一郡靈氣攸鍾人文之秀發土田之沃肥靡不陰賴於斯

販潤金水剋制火龍尤非謬說邇者祝融肆虐所在為墟將來沾溉無資千頃失望實為杭民剥膚之患寧止蘇公之五不可廢哉故湖之宜清不宜占宜濬不宜塞與清濬之宜速不宜遲不待智者而後知也惟是斷在必清而要非可易言清斷在必濬而要非可易言濬何也與其易言清而俄清俄止何如邇其源而窮其流酌量其因革而使影射盤踞者必難遂其吞噬之謀與其易言濬而俄

潯俄寢何如儲其資而計其工裁定其方畧而使  
積汙築塞者立可收夫廓清之績此屬卑縣管轄  
以內必不敢避勞怨坐視其化為桑田也而議論  
欲一規畫欲定時日欲寬錢鏹欲裕弗勤始怠終  
弗此傳彼咻弗朝令夕改竊以為兼茲數者始克  
有濟謹將一得之愚列款上請仰候採擇參與論  
之同定畫一之策庶不致築舍無成一請親勘一  
收佃帖一覈實數一酌祠墓一審挑運一陳膚議  
一運積土  
一考工程

國朝順治九年左布政使張儒秀立為禁約姦民占為

私產者勒令還官

朱之錫張公碑記西湖裏湖豪

右各插水面水簾以漁利甚者  
巧為官佃之帖以相搪塞湖面漸小則湖身日高  
公請於上憲飭令盡去其水簾塍岸其以官帖相

抵塘者痛懲之於  
是始相戒不可犯雍正二年奉

旨疏濬西湖鹽驛道王鈞捐貲助濬照舊址清出開通  
水源凡湖中沙草淤淺之處悉疏濬深通其舊隄  
坍塌者即將所挑沙草幫築堅固其上流沙土填  
塞於赤山埠毛家埠丁家山金沙灘四處建築石  
閘以時啟閉至四年冬告成先是公估開湖銀四  
萬二千七百四十兩核實節省實用銀三萬七千  
六百餘兩存五千一百一十餘兩總督臣李衛慮



歲修難繼繕具題置買海寧縣田一千一百畝

內撥入聖因寺一百畝外餘令海寧縣徵收解貯

鹽驛道庫以供歲修勒石湖上垂諸永久

李衛重  
濬西湖

碑記雍正二年甲辰

天子詔親藩重臣循行畿輔察水利之當興治者於時

奏事者及浙之西湖

天子曰俞咨爾封疆勤乃修理率事於官役力於民頒

給廩錢無滋擾於百姓議成動需帑金四萬二千

有奇會澤州王副使任兩浙轉運鹽驛使因舉濬

湖事屬之副使曰民之事

君之事也予受

君恩深每願有所報効請如所直獨成其事事聞

制曰可於是命有司集民夫聚舡舫齊畚鍤募者如雲

貧民因力資生動以萬計几沙之灘者汰去之泉之壅者疏決之葑之固結而蔓延者芟刈而剔除之日勤旬勞越歲乃成於斯時也湖天一碧廓如鏡如憩於中亭御風冷然鳥鳴於山魚儵於淵老穉來觀相與嬉游於皞蕩之天其間宸游之宮

天章之亭闕者補圯者修巍然煥然水光雲影高下掩映五年冬奉

聖命改為佛寺供

祖仁皇帝神御几昔日游豫之地俾臣民咸得瞻仰焉又城中坊衢鱗接聚千族通百貨實憑於河湖水既濬河可次及於是跡其源流通其經厯者澮者汴者使之轉注以循脈絡非特利舟楫亦可以消燭灾其所利者溥哉是舉也合前所直費尚餘五千兩乃置田畝俾官計其歲入揭為歲修長利副使可謂詳於治事矣余出撫浙親承

聖訓 率事惟勤 納人於忠 如副使之殫心竭力 忠以奉

公勤以利民 是謂稱職 其人可書 厚積蓄以為灌  
溉 長使水旱有備 其事可書 蘇白以降作者 幾人  
猶多廢格 今則發自

宸衷 由京畿及海甸 百廢具舉 時又宜書 以是三者因  
副使之請 乃特書

天子命 且志其歲月 使史家有如遷固之  
書河渠志 溝洫者 或有取於是文 雍正七年總

督臣李衛開濬金沙港 動支歲修銀三百三十六

兩 并添築滾壩一座 設立壩夫二名 歲給工食使

不時挑濬 毋使沙礫瀉入湖內 九年建漢壯繆侯

祠於金沙港 築隄六十三丈 建玉帶橋一座 接於

蘇隄以通車馬往來之便

謹按諸山之泉匯流於西湖惟金沙澗為大他若赤山埠毛家埠丁家山則次之餘皆細流也泉水入湖沙礫隨至故四處俱設以閘金沙澗之水發自靈隱天竺邈迤數里諸山之泉皆會焉每春夏間水勢洶湧閘不能限故又設以滾壩於是泉水入湖清澈澄滌然西湖之水難涸而易盈故於溜水閘湧金門暗溝洩入城內石函三閘瀉流下河使湖不致泛溢而一郡之田畝百萬之生聚均沾其利矣成化府志云石函橋閘惟橋存而閘廢今閘見存前志未足為據

錢塘江 在府治東南通大海日受兩潮元和郡縣

志郡議曹華信立塘防水募有能致土石者即與

錢及塘成縣境蒙利

謹按浙江水自衢歙而來一瀉千里直至錢塘而入於海所歷浙東諸郡俱引以灌溉乃水利之大者但江潮奔激齧岸衝隄歷代不免不得不屢事修築因江與海接凡興建江塘事宜俱詳志海塘門內茲不復載

龍山河 自龍山渾水閘由朱家橋至南水門元史河渠志龍山河在杭州城外歲久淤塞至大元年浙江省令史裴堅言杭州錢塘江近年以來為沙塗壅漲潮水遠去離北岸十五里舟楫不能到岸

商旅往來募夫搬運十七八里使諸物翔湧生民  
失所遞運官物甚為煩擾訪問宋時並江岸有南  
北古河一道名龍山河今浙江亭南至龍山牕約  
一十五里糞壤填塞兩岸居民侵占迹其形勢宜  
改修運河開掘沙土對牕搬載直抵浙江轉入兩  
處市河免擔負之勞生民獲惠省下杭州路相視  
錢塘縣城南上隅龍山河至橫河橋委係舊河居  
民侵占起建房屋若疏通以接運河公私大便計

餘杭塘河 在北關門外江漲橋西四十五里至餘杭縣北通新開運河

國朝康熙四十七年杭州府知府張恕可奉

旨動帑開濬自賣魚橋起至觀音橋一百四十丈

新河 在錢塘門外舊名下湖咸淳臨安志淳祐七年安撫趙與憲命工自錢塘尉廨北望湖亭下鑿渠引天目山水自餘杭河經蔡家渡河口達於溜水橋陡門

下湖河 在溜水橋柴場北河分四派總名下湖河  
國朝康熙四十七年杭州知府張恕可重濬桃花港四  
百丈開廣二丈四尺濬深五尺雍正五年總督臣  
李衛動給帑銀委浙江驛丞陳上義開濬沿山馬  
家塢包家墳三元橋御臨橋一帶河道并建三元  
橋滾壩一座

白沙隄 一名孤山路北有斷橋南  
有西泠橋其西為裏湖

蘇公隄 小新

隄 一名趙  
公隄

楊公隄 金沙隄

雍正九年新築以  
上俱詳見西湖



捍江塘

在城南沿江西起浙江驛東與柵外相接詳見海塘

餘杭塘

在城北二畝東

起賣魚橋西與餘杭相接

西塘

在崇化二都

黃濮塘

在靈芝五畝崇化八

畝地方

下新塘

亦在靈芝崇化地方南與黃濮塘相接

上墟塘

在女

南二畝西與下新塘相接

陵林塘

在女南三畝西與上墟塘相接

楊山塘

在女南四畝西與陵林塘相接

龍岡塘

在孝女鄉女南五畝洪水衝決數十丈

國朝康熙五十五年知縣魏

壓沙溪塘

在五都五畝瓶窰地方

國朝雍正五年總督臣李衛委

員動帑修築五十八丈

石函三閘

在錢塘門外昭慶寺西一名聖塘閘一名澗水閘一名石函處

溜水閘

在湧金水門外

國朝雍正六年總督臣李衛重修

金沙港閘 毛家

埠閘 丁家山閘 赤山埠閘

舊有西閘廢雍正五年復建今閘以

上俱詳見西湖

南閘

在城西一畝方家峪廢

澄川閘

在城西一畝長橋南

廢

保安閘

在候潮門內朱家橋西保安三畝外接清水閘廢

清水閘

在候潮門外城南下隅一畝南接渾水閘

渾水閘

在城南下隅二畝蕭公橋南南接跨

浦閘 跨浦閘

在城南下隅跨浦橋下接龍山閘

龍山上下二閘

在柵外二畝浙江驛前龍山口

清湖上閘

在武林門外二里

清湖中

閘

在武林門外三里

清湖下閘

在武林門外五里

陡門閘

在定

北鄉久廢明時居民葛廷祿重建灌田數十頃又有韓家閘廢

烏麻陡門閘

舊名

安溪陡門閘在女南一箇北對安溪鎮

國朝康熙五十五年大水衝圯知縣魏塬修建雍正五

年總督臣李衛

化灣陡門閘在崇化七都一箇北接上壩塘為茗

委員動帑重修

化灣陡門閘

在崇化七都一箇北接上壩塘為茗

溪下流宋淳熙六年建明萬厯戊申歲兩塘決邑令聶心湯先築備塘旋築陡修閘已酉八月大水

衝壞仍修之黃汝亨為記

國朝康熙九年布政使袁一相檄縣重修雍正三年陡

門土陷一丈五尺崇化七里居民出貲修築優免雜使差徭十年總督臣程元章檄錢塘縣知縣李

惺查議李惺化灣陡門閘議看得天目東西兩山

西屬於潛水流四十里即入大江東屬臨安山水

直瀉而下時虞泛濫流害於杭嘉湖三郡田禾故

設險塘置六閘以蓄洩之而化灣陡門閘尤為險

要勅始於宋明嘉靖間兩遣卿部大臣夏原吉等  
來浙修築萬厯間邑令聶心湯重修揆其所以數  
致傾圮之由皆緣山水驟發勢甚洶湧閘夫報縣  
申府轉詳勘估需時每致小隙未補即成大潰是  
以責成崇化鄉七里附近居民以承歲修之役遇  
少有坍塌即行堵塞設水大莫禦仍議動帑興修  
故自康熙九年間前藩憲袁一相募修之後數十  
年來俱藉民力堵築不煩公帑而閘得無恙惟是  
七里居民身肩鉅役宜加恩卹除完條漕正供外  
免其雜使差徭循例已久於雍正四年里民呈請  
勒石以垂永久擬合詳請  
俾令永遠遵循保固可也

浙江通志卷五十二